

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-⁴⁹⁹³/22

Datum: 07.07.2022. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 10. stav 1. tačka d), člana 18. stav (2), Zakona o javnim nabavkama („Službeni glasnik Bosne i Hercegovine”, broj 39/14) policijski komesar Uprave policije Ministarstva unutrašnjih poslova, d o n o s i:

ODLUKU o izuzeću od primjene Zakona o javnim nabavkama

I

Od primjene Zakona o javnim nabavkama BiH izuzimaju se nabavke usluga vanrednog tehničkog pregleda motornih vozila, procjenjena vrijednost 500,00 KM bez PDV-a.

II

Sredstva za nabavku usluga iz člana I ove odluke osiguravaju iz Budžeta Kantona Sarajevo za 2022. godinu, razdjel 17 - MUP, glava 02 - Uprava policije, ekonomski kod 613500.

III

Ova Odluka stupa na snagu danom donošenja i bit će objavljena na službenoj stranici Ministarstva unutrašnjih poslova Kantona Sarajevo.

O b r a z l o ž e n j e

Odredbama Zakona o osnovama bezbjednosti saobraćaja na putevima u BiH („Službeni glasnik BiH”, broj 6/06, 75/06, 44/07, 84/09, 48/10, 18/13, 8/17 i 9/18) i Pravilnika o tehničkim pregledima vozila („Službeni glasnik”, broj: 33/19) propisano je da se vanredni tehnički pregled motornih vozila vrši na zahtjev ovlaštene službene osobe na najbližoj stanici tehničkog pregleda, ukoliko postoji osnovana sumnja da bi dalja upotreba vozila ugrozila sigurnost saobraćaja.

Takođe, Pravilnikom je propisano da ukoliko se na vanrednom tehničkom pregledu utvrdi da je vozilo neispravno vlasnik ili vozač vozila snosi troškove usluge tehničkog pregleda.

U slučaju da se utvrdi da je vozilo tehnički ispravno vlasnik vozila ne plaća troškove usluge tehničkog pregleda, već troškove snosi nadležni organ.

Visina naknade za vršenje tehničkog pregleda motornih vozila utvrđuje se u skladu sa Pravilnikom o naknadama za tehnički pregled vozila i drugim poslovima koji se obavljaju u stanicama za tehnički pregled ("Službene novine FBiH" broj 51/06, 26/07, 70/07 i 4/10).

Obzirom da se radi o zakonskom monopolu, gdje je pozitivnim propisima utvrđeno da vanredni tehnički pregled vrši najbliža stanica tehničkog pregleda, tržište za vršenje usluga iz člana I ove odluke, u smislu materijalnih propisa koji uređuju ovu oblast, nije otvoreno za konkurenciju. U skladu sa naprijed navedenim ispunjeni su uslovi za izuzeće od primjene Zakona o javnim nabavkama BiH („Službeni glasnik BiH“ broj 39/14) u skladu sa članom 10. stav 1. tačka d).

POLICIJSKI KOMESAR
Generalni inspektor policije

Dostaviti:

1. Sektoru za materijalno finansijske poslove
2. Odjeljenju za odnose s javnošću, radi objave na web stranici ovog organa
3. a/a

Nusret Selimović